



## **Universitätsbibliothek Paderborn**

### **Medvlla Theologica**

Ex Sacris Scriptvris, Conciliorvm Pontificvmqve Decretis, Et Sanctorvm  
Patrvm Ac Doctorum Placitis Expressa ; In qua, quidquid tum ad fidei  
mysteria sanè ac rectè intelligenda, & ab erroribus quibusvis secernenda,  
tum ad sacramenta debitè conficienda & ministranda, tum ad actiones  
humanas iuxta ...

**Abelly, Louis**

**Coloniæ Agrippinæ, 1658**

VII. Quâ ratione persona una in diuinis mitti dicatur ab alia.

**urn:nbn:de:hbz:466:1-38954**

minus seu Sp̄iritus Sanctus ex eiusdem essentiæ diuinæ perfectionum, personarum, creaturarumque omnium possibilium dilectione procedit; nec enim minus perfecta debet esse actio amandi, per quam producitur Sp̄iritus Sanctus, quam actio intelligendi, per quam gignitur Filius: quare sicut ista (vt superius dictum est) ad omnia intelligibilia, sic & illa ad omnia diligibilia extendi debet.

Ex his patet, quo sensu intelligi debeat id, quod docet S. Thomas quæst. 37. art. 2. cùm dicit Patrem & Filium diligere se Sp̄iritu Sancto: hoc enim vere & propriè dicitur, si verbum (diligere) sumatur notionaliter, prout significat spirare amorem; quia scilicet Pater & Filius relatione notionaliter diligunt se inuicem Sp̄iritu sancto, tanquam dilectionis sua termino & amore producto; vnde sanct. Aug. lib. 6. de Trinit. c. 51. dicit, quod Sp̄iritus Sanctus est. Quo genitus a generante diligitur, genitoremque suum diligit: & eodem sensu Synesius hymno 4. vocat spiritum sanctum. Centrum genitoris & geniti: & appositi sanct. Bernard. serm. 8. in Cant. super illæ verba: *Osculetur me osculo oris sui: Si, inquit, recte Pa' er osculans, Filius osculus accepitur;* non erit abs re Sp̄iritum Sanctum osculum intelligi, utpote qui Patris & Filij imperturbabilis pax sit, glutinum, indissoluus amor, indiuisibili unitas.

## SECTIO VII.

*Qua ratione persona una in diuini mitti dicatur ab alia.*

**C**ertum est ex scripturis secundam & tertiam sanctissimæ Trinitatis personam mitti. Et quidem de Filio constat ex sanct. Mart. c. 15. Non sum missus nisi ad oves, que, &c. & sanct. Ioan. 6. Misit me viuens Pater, &c. De Sp̄iritu sancto etiam sanct. Ioan. 14. Sp̄iritus Sanctus, quem mittet Pater in nomine meo: & cap. 15. Cum venerit Paracletus, quem ego mittam vobis.

Cum

Cum igitur hoc verum sit, queritur, quâ ratione persona diuina dici possit mitti ab alia? Pro cuius resolutione nihil aptius afferri potest quam id, quod docet sanct. Th. i. p. q. 43. art. 1. vbi diuina missio rationem sic explicat.

Duo in ratione missionis importantur, quorum unum est habitudo missi ad principium à quo mittitur, aliud est habitudo missi ad terminum, ad quem mittitur. Est autem habitudo missi ad eum, à quo mittitur, quædam ab ipso processio, idque vel per imperium, ut cum seruus à Domino mittitur, vel per consilium, ut si rex dicitur mitti a consiliariis ad ineundum bellum; vel secundum originem, ut cum flos emititur ab arbore. Habitudo vero missi ad terminum, ad quem mittitur, est, ut aliquo modo ibi esse incipiat, ita ut vel absolute ibi incipiat esse, quia nempe ibi antea omnino non erat; vel incipiat ibi aliquo modo esse, quo prius non erat. Missio igitur diuina persona conuenire potest, tum quatenus importat ex una parte processionem originis àmittente, tum secundum quod importat ex altera parte nouum modum existendi in alio, sic Filius dicitur a Patre missus in mundum, quia ab ipso Patre procedens incepit in mundo esse per carnem assumptam, quanius antea in mundo esset (iuxta illud sanct. Ioan. 1. In mundo erat, & mandatus per ipsum factus est) non tamen eo modo, quo coepit esse per incarnationem.

Ex dictis intelligi potest i. quod licet inter creaturas, missio aliquam importet minorationem in eo, qui mittitur ab alio, proindeque tollat a qualitate perfectionis inter utrumque; in diuinis tamen nullam inferre inaequilitatem inter personam missam & mittentem; quia sit solum secundum processionem originis absq; vlla prioritate aut posterioritate durationis vel causæ. Vbi obiter obseruandum est, quod, cum nouus ille modus, quo diuina persona missa dicitur esse, vbi antea non erat, sit secundum aliquam operationem ad extrâ, quâ aliquid efficit in creatura: nihil autem in creatura operetur nisi per entitatem suæ naturæ, quam accepit à persona mittente seu

pro-

producenter; hinc fit, ut habeat ab ipsa, quod aliquid efficiat in creatura: & sic cum novo modo incipit esse, ubi non erat, iure ac merito illuc a persona producente mitti censeatur.

Intelligi potest 2. quod quamvis omnes diuinæ persona dici possint venire ad nos, iuxta illud S. Ioan. 14. *Ad eum veniemus, & mansionem apud eum faciemus;* non tamen omnes, aut qualibet illarum a qualibet mitti potest: cum enim (ut supra dictum est) missio propriè dicta, sit indissolubiliter annexa processioni, & eatenus persona una mitti ab alia dicatur, quatenus ab ipsa procedit, & per processionem accipit virtutem operandi in aliquæ creature, ut sit aliquo modo in ea, quo antea non erat; hinc sequitur personam diuinam non posse mitti nisi ab aliqua procedat, nec ab illa posse mitti, nisi ab ipsa procedat: unde fit, ut Filius & Spiritus sanctus solum mitti dicantur; Filius a solo Patre, a quo solo procedit; Spiritus sanctus vero a Patre & Filio, eo quod ab utroque procedat.

Queres, ad quosnam effectus diuina persona mitti dicatur? Resp. primario & præcipue mitti ad conferendam gratiam sanctificantem; unde, quando scriptura loquitur de missione alieuius persona diuina, illum effectum communiter adiungit, ut S. Ioan. 10. *Ego veni, ut vitam habeant, & abundantiam habeant:* & ad Rom. 5. *Charitas Dei diffusa est in cordibus nostris per Spiritum Sanctum, qui datum est nobis:* Secundariò vero ad omnes alios effectus, quos persona diuina missa potest varie & multipliciter in creature operari; quo fit, ut missio diuinæ persona esse possit vel inuisibilis, cum sit solum per productionem interioris gratiae, sine gratum facientis, siue gratis data; vel visibilis, cum aliquid præterea exterius in creature operatur. Observat autem S. Th. art. 3. *nunquam visibiliter mitti personam diuinam; quin simul etiam mittatur in-*

*visibiliter secundum aliquid gratia donum.*

SE